



SURAT EDARAN PENTADBIRAN
BILANGAN 4 TAHUN 2017

LARANGAN PEMUSNAHAN REKOD AWAM
DI UNIVERSITI TEKNIKAL MALAYSIA MELAKA
(UTeM)

Pejabat Pendaftar
24 Januari 2017

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.05.03/100-3/2/3 Jld. 4 (62)

24 JANUARI 2017

SURAT EDARAN PENTADBIRAN BIL. 4/2017

LARANGAN PEMUSNAHAN REKOD AWAM DI UNIVERSITI TEKNIKAL MALAYSIA MELAKA (UTeM)

Surat Edaran Pentadbiran ini dikeluarkan bertujuan untuk memaklumkan kepada semua staf Universiti Teknikal Malaysia Melaka (UTeM) mengenai Larangan Pemusnahan Rekod Awam di Universiti Teknikal Malaysia Melaka (UTeM).

2.0 Ketua Pengarah Arkib Negara Malaysia melalui surat bernombor rujukan ARKIB.600-1/3/1(6) bertarikh 6 Januari 2017 telah memaklumkan berkenaan larangan pemusnahan rekod awam.

3.0 Untuk makluman, Ekosistem Kondusif Sektor Awam (EKSA) telah diperkenalkan mulai Januari 2014 sebagai inisiatif penjenamaan semula Amalam 5S di sektor Awam. EKSA bertujuan untuk mewujudkan persekitaran yang kondusif, meningkatkan imej korporat, menyemarakkan aktiviti kreativiti dan inovasi serta menggalakkan aktiviti ke arah mewujudkan persekitaran hijau melalui pembudayaan amalan hijau di Sektor Awam. Seajar dengan keperluan untuk meningkatkan kualiti penyampaian perkhidmatan, Sektor Awam telah mula melaksanakan aktiviti ke arah mewujudkan persekitaran kerja yang mesra, bersih, sihat, kondusif dan selamat.

4.0 Oleh yang demikian, Arkib Negara Malaysia sebagai sebuah jabatan yang menerajui Pengurusan Rekod dan Arkib di Malaysia amat menitik beratkan amalan pengurusan rekod yang baik untuk memastikan rekod yang diwujudkan di Sektor Awam dapat diurus dan diselenggara dengan sewajarnya. Rekod adalah bahan bukti yang menjadi asas kepada akauntabiliti dan integriti sesebuah organisasi. Dalam melaksanakan EKSA, Pejabat Awam adalah tertakluk kepada peruntukan di bawah **seksyen 25 (1), Akta Arkib Negara 2003 [Akta 629] yang melarang seseorang memusnahkan atau membenarkan pemusnahan mana-mana rekod awam yang dalam jagaan atau di bawah kawalan orang itu kecuali telah mendapat kebenaran bertulis Ketua Pengarah.**

5.0 Arkib Negara Malaysia juga bersedia memberikan khidmat nasihat/kepakaran/ pandangan/ cadangan dalam Pengurusan Rekod di Universiti.

6.0 Semua staf UTeM dimohon untuk mengambil perhatian dan tindakan yang sewajarnya berhubung perkara ini. Kerjasama dan perhatian YBhg. Datuk/ Dato'/ Prof./ Prof. Madya/ Dr./ Tuan/ Puan berhubung perkara ini sangat dihargai dan didahului dengan ucapan terima kasih.

Sekian.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/nhab

